



Inatsisartut
/maani

Ukununga: Inatsisartunut ilaasortat, Steen Lyngemut aamma Siverth K. Heilmann,
Atassut Inatsisartuni

**Inatsisartunut ilaasortanut Steen Lyngemut aamma Sivert K. Heilmannimut
(Atassut Inatsisartuni) akissut**

18-09-2015
Suliap normua. 2014-094154
All. nr. 1438776

Namminersorlutik Oqartussat pisiniartarnermut politikkiat pillugu Naalakkersuisunut ulloq 8. septembari 2015 arlalinnik apeqquteqarpusi. Inatsisartut suleriaasianni § 37, imm. 1 naapertorlugu apeqqutisi matumuuna akineqarput.

P. O. Box 1037
3900 Nuuk
Oqarasuaat +299 34 50 00
Nassitsigasuaat (+299) 34 63
50
E-mail: oed@nanoq.gl
www.nanoq.gl

Apeqquut 1 : Namminersorlutik oqartussat nioqqutissanik kiffartuussinernillu pisiniartarnermut politikkeqarpat, pisiniartarnerit tamaasa matumani pineqarput – annerusut minnerusullu – tamatigut akikinnerpaamik akeq pingaartinneqarnerpaasarpa inuiaqatigiit aningaasaqarniarneranut sunniuteqarsinnaanera pinnani.

Akissut 1:

Namminersorlutik Oqartussat pisiniartarnermut politikkianni imaangilaq akit appasinnerpaat atorlugit tamatigut pisiniartoqartassasoq

Namminersorlutik Oqartussani nioqqutissanik sullississutinillu pisisarneq Namminersorlutik Oqartussat qitiusumik allaffissuanni taassumalu ataani immikkoortortaqaqfinni nioqqutissanik sullississutinillu pisisarneq pillugu kaajallaatitami 24.09.2010-meersumi killilersorneqarput. Kaajallaasitaq tamanit pissarsiarineqarsinnaavoq aammalu Namminersorlutik Oqartussat inuussutissarsiutit pillugit nittartagaanni takuneqarsinnaalluni: <http://www.businessingreenland.gl/kl-GL/Udbud/Lovgivning/Varer-og-tjenesteydelser>.

Pisortat killilimmilluunniit neqerooruteqartitsisarnerannut atatillugu kaajallaasitami ersippoq pisisarnermut piumasarineqartoq 'Akit appasinnerpaat' aqqutigalugu pisisoqartassasoq. 'Neqeroorutit pitsaanerpaat' aamma/imaluunniit tunngaviit allat malilugit pisassasoq. Nioqqutissanik sullississutinilluunniit ataasiakkaanik pisinermut atatillugu tunngavik suna tunngavigineqassanersoq nalilersorneqassasoq.

Tunngavik 'Neqeroorut pitsaanerpaaq' Namminersorlutik Oqartussat atussappassuk tamanna isumaqarpoq inuiaqatigiit aningaasaqarnerannut sunniutai neqeroorummik nalilersuineranut ilanngunneqartassasoq. Inuiaqatigiit aningaasaqarnerannut sunniutai sorliit iluaqutaanersut neqeroorutini ataasiakkaani nalilersorneqartarpoq.

Apeqquut 2 : Arlaatigut akornutissaqarnerluni namminersorlutik oqartussat nioqqutissanik kiffartuussinernillu pisiniartarnermut politikkianni inuiaqatigiit aningaasaqarneranut pitsaanerpaamik sunniuteqarsinnaasumik tunngaviummik anguniagaqarsinnaaneq?

Akissut 2:

Naalakkersuisut naliliipput Namminersorlutik Oqartussat pisisarnermi maannakkut politikkianni inuiaqatigiit aningaasaqarnerannut kingunissaasa ilanngunneqarnissaat periarfissinneqartoq. Inuiaqatigiit aningaasaqarnerannut sunniutit 'Neqeroorutit pitsaanerpaat'-nut atatillugu pisisarneq pillugu maannakkut politikkiimi sillimaffigineqarput. Tamassuma saniatigut tunngaviit assigiinngitsut akornanni toqqaanissaq kaajallaasitami periarfissiineqarpoq. Taamaalilluni tunngaviit pisuni aalajangersimasuni pisinermi tulluarnerusunik kinguneqartussat tunngavigalugit pisinissaq Namminersorlutik Oqartussat qulakkeernikuuat.

Tamassuma saniatigut Namminersorlutik Oqartussani pisisarnermut najoqqutassat ineriartorteqqinnissaat nutarternissaallu Namminersorlutik Oqartussat suliniutigaat. Nioqqutissanik sullississutinillu Namminersorlutik Oqartussat pisisarnerannik killilersuisunik 2015-imi nutaamik pisisarneq pillugu kaajallaasitaqalissaaq aamma neqerooruteqartitsisarneq pillugu kaajallaasitaqalissalluni. Inuiaqatigiit aningaasaqarnerannut sunniutaasut ilanngunneqartarnissaat nutarterinermi tapersiutitut ilanngunneqartassapput. Aammattaaq apeqqut 1-imut akissut takuuk.

Apeqquut 3 : Apeqqutip aappaani akornutissaqarsimappat, taava Naalakkersuisut qanoq iliorsinnaappat akornutaasinnaasut anigorniarnissaannut?

Akissut 3:

Apeqqutinut 1-imut 2-mullu akissutit takukkit.

Apeqquut 4 : Sumiiffimmi qaninnerpaamiittumiit pisinissamut akornutaasimappat nunanut allanut aningaasaqarnikkut isumaqatigiissuteqarsimaneq taamaasillunilu aamma pisiniarnissamut periaatsinik isumaqatigiissuteqarneq, taava isumaqatigiissusiornermi illuatungeriinni sorleq aningaasaqarnikkut iluanaaruteqarnerpaava?

Akissut 4:

Namminersorlutik Oqartussat EU-mut marlunnik isumaqatigiissuteqarput. EU-mut isumaqatigiissutit tassaapput aalisarneq pillugu isumaqatigiissut aamma peqatigiinneq pillugu isumaqatigiissut. Ilimagineqarpoq aalisarneq pillugu isumaqatigiissut, periarfissat tamarmik atorneqarpata, 2015-imi 125,9 mio. kr.-nik isertitsissutaassasoq. Ilimagineqarpoq EU-mut peqatigiinneq pillugu isumaqatigiissut ilinniartitaaneq, pisisarneq pisortallu aningaasanik aqutsinerat pillugit piunasaqaatit malinneqarpata piffissami 2014-2020 agguaqatigiissillugu 217 mio. kr.-nik isertitsissutaassasoq. SEU-mut isumaqatigiissutit ataatsimut isigalugit 2015-imi 342,9 mio. kr.-nik Nunap Karsianut tapersiissapput.

Taamaammat pisisarnermi naligiisitsineq, paasiuminartitsineq assigiimmillu annertusiartoqatigiisitsineq pillugit tunngaviit EU-mut peqatigiinneq pillugu isumaqatigiissut naapertorlugu malinneqarnissaasa qulakkeerneqarnissaa Naalakkersuisut sulissutigaa.

Nalilerneqarpoq EU-mut isumaqatigiissutit ataatsimut isigalugit Kalaallit Nunaata aningaasaqarnertigut iluaqutigissagai.

Aalisarneq pillugu isumaqatigiissut naapertorlugu EU Kalaallit Nunaata imartaani aalisakkanik pisassiissutit ilaannik pissarsinnaavoq. Peqatigiinneq pillugu isumaqatigiissut EU-p aningaasaqarnermi toqqaannartumik pissarsissutigissanngilaa,

kisiannili Kalaallit Nunaannik suleqateqarluarnerup ingerlaannarnissaa qulakkeerneqarnissaalu soqutigisaralugu.

Ilaatigut pisortat pisiniariaasiisa ineriartorteqqinneqarnissaanik Kalaallit Nunaat EU-mut peqatigiinneq pillugu isumaqatigiisummi pisussaaffeqarpoq. Tamanna pisortat aningaasaataasa pitsaanerusequmik atorineqartarnerannik qulakkeerinneqataassaaq. Pisisarnermi tunngaviit kinguneqarput pisortat suliaasaataannik suliffeqarfiit neqerooruteqarnerisa ajornannginnerulernera aammalu pisortanut isumaqatigiisuteqartarneranni tamat naligiimmik pineqarnissaasa qulaakkeenera. Tassunga peqatigitillugu annertunerusequmik unammillerneqarneq Kalaallit Nunaanni siuariarnertormik suliffissaqartitsinermillu qulakkeerinneqataassaaq.

Tamassumunnga pissutaavoq suliffeqarfiit aningaasartuuteqarnerminni ikilisaasariaqarnerat aammalu tunisassianut sullississutinullu tunngatillugu unammillersinnaajumallutik neqeroorutitik pillugit nutaaliornermik eqqarsartarnissaat.

Apeqqu 5 : Isumaqatigiisutinit aningaasarsiornikkut Kalaallit Nunaannut iluanaarut qanoq inissisimava niueqatigisat pisortat niuernermi aningaasaqarnerinut periarfissaqarneranut sanilliullugu?

Akissut 5:

Naalackersuisut isumaqarput nunanut allanut niueqateqartarneq pitsaasumik aningaasaqarnermut pisariaqarluinnartoq, tassa suliffeqarfigut nunarsuami niueqatigiinneq aqutigalugu nunat tamat akornanni ingerlatsinerulersinnaammata.

Pisortat ingerlatsinerisa nutarsarnissaanik pisariillisarnissaanillu Namminersorlutik Oqartussat sulissuteqarnissaat EU-mut peqatigiinneq pillugu isumaqatigiisummi tapserneqarpoq. Pisisarnermi suliniuteqarneq aningaasartuutit ikilisinneqarnerat nutaaliornuluni suliniuteqartarneq aqutigalugit inuussutissarsiutinik angusaqarluarnerusequmik pilersitseqataassaaq. Inuussutissarsiortut pisortallu angusaqarluarnerisigut unammillersinnaassuseqarnerput pitsanngortinneqassaaq, taamaalluni siuariartornissamat nutaanillu suliffissaqartitsilernissamat tunngaviliissalluni. Taamaammat pisisarneq pillugu politikimi anguniakkat ilagaat pisortat namminersortullu ingerlatsinerinik ineriartortitseqataanissaq.

Pisortat nioqqutissanik sullississutinillu neqerooruteqartitsisarnerannut tunngatillugu danskit suliffeqarfiutaat Namminersorlutik Oqartussat nioqqutissanik sullississutinillu neqerooruteqartitsisarneranni EU-mi nunani neqerooruteqarajunnerusarput. Aammattaaq apeqqu 4-mut akissut takuuk.

Apeqqu 6 : Naalackersuisut qanoq iliorlutik qulakkeerniarpaat, niuertut sumiiffimmi qaninnerpaamiittut suliaasaqartinneqarsinnaanissai akit neqeroorutigisinnaasai qaffasinnerulaarpata pilersuisut nunani allaneersunut sanilliullugu, suliakkiinermi imaluunniit pisinermi pilersuisup suliamik naammassiniaanermi sulisoqarnissamik imaluunniit ilinniartuuteqarnissamik piumasagaataanngippat?

Akissut 6:

Naalackersuisut isumaqarput unammillertitsinermi suliffeqarfinnik nutaaliortunik ineriartortitsisoqarsinnaassasoq, tamassuminngalu qulakkeerinitsitsissalluni,

taamaalillunilu piffissaq sivikitsaq sivisoorlu eqqarsaatigalugit aningaasaqarnitsinnik pitsannguissalluni. Naalackersuisut isumaqarput Kalaallit Nunaanni suliffeqarfiit pilersuisut nunani allaneersutuulli unammillernissamut pikkorissuseqartut, aammali eqqumaffigisariaqarluni nunani allani unammillertinut sanilliullugu annikitsumik ingerlatsinerat ajoqutissaqarsinnaasoq. Akerlianik niuerfinnut qanittuuneq taakkuninngalu ilisimasaqarneq suliffeqarfiit iluaqutigaat. Aamma apeqqutinut 1, 4 aamma 5-imut akissutit takukkit.

Apeqqut 7 : Qanoq iliorlutik Naalackersuisut qulakkeerusuppaat namminersorlutik oqartussat tamatigut inuiaqatigiit aningaasarsiorneranut tamanit pitsaanerpaamik sunniuteqarluarnerpaamik sumiiffimmi qaninnermi niuernissap qitiutinneqarnissaa?

Akissut 7:

Pisariaqartitsinerit iliuuseqarfiginiarlugit pisisarneq Naalackersuisutpingaartippaat. Namminersorlutik Oqartussanut inuiaqatigiinnullu iluaqutaasumik aalajangiinnermi naleqqunnerpaanik tunngaveqarluni pisisarnerup pisarnissaanut tamanna qulakkeerinneqataassaaq.

Pisarnermut, Inissaqartitsinermut Missingersuutinillu Malinnaanermut Periusissiornermut Allaffiup pisisarnermi qulliunerusumik sinaakkutit piviusunngortittarpai, sinaakkutaasumik isumaqatigiissutit ilusilersortarlugit aamma Namminersorlutik Oqartussat neqerooruteqartitsisarnerat ingerlattarlugu.

Nioqqutissanik sullississutinillu pisisarneq Namminersorlutik Oqartussat ukiuni aggersuni annertunerusumik isiginiassavaat. Tassunga atatillugu pingaartumik uku isiginiarneqassapput:

- Pisisarneq pillugu kaajallaasitap nutarternera
- Inuiaqatigiit aningaasaqarnerannut sunniutaasunik isiginninniarneq, tassunga ilanngullugit ilinniarfiusinnaasut
- Innuttaasunut annerusumik paasisitsisarneq
- Kommuninik suleqateqarneq
- Annertunerusumik unammilleqatigiissitsineq

Inussiarnersumik inuulluaqqusillunga

Med venlig hilsen



Anda Uldum